



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs XLI. Beatus vir qui intelligit super egenum.

**urn:nbn:de:hbz:466:1-44993**

76 PSALMORVM  
 87 Gaudeant qui te petere læti,  
 Quique amant, quam tu cupidis salutem  
 Efficis; magnis memorent ferendum  
 Laudibus I A M.  
 88 Ipse inops, pauper licet atque egenus,  
 Consulit tutor mihi prosper I A S:  
 Sed precor sospes mihi ne morere ô  
 Maxime PRINCEPS.

PSALMVS XLI.

Beatus vir qui intelligit super egenum.

HVMANORVM MORVM  
 EXAMEN.

1 Ad præstantem, Psalmus Davidis.

Ode Tricolos Tetraſtrophos.

2 **A** Vctus beato munere sortium est  
 Is quisquis ægro consulit ac fauet.  
 Illum diebus sospes I A S  
 Casibus eripietque duris.  
 3 Custos valentem hunc, hunc bene viuidum  
 I A S beatum terricolam dabit,  
 Cessisse nec dedit malignis  
 Hostibus atque animis nocentum.  
 4 Lecto hunc iacentem corpore languidum  
 I A S fouebit fulciet ac bonus,  
 Totum ac laboranti cubile  
 Sternet & in melius reponet.  
 5 Namque ipse tristi murmure dixeram,  
 I A S miseris sis medicus mihi,  
 Peccasse & in te contentem  
 Hanc animam recrea miscellam.  
 6 Hostes maligno murmure proferunt  
 Infausta, quantum percipiunt mihi,  
 Quando interibit nomen, atque hoc  
 Lucifugæ tenebræ recondent?  
 7 Ingressus ut me visere fingeret,  
 Vnusque & alter vana loquens manet,  
 Peruersaque obseruans maligno  
 Pectore proloquitur reuersus.



## LIBER I.

75

- 8 In me susurrant protinus inuidi,  
De me scelesti & perfida cogitant:  
9 Hic iam laborans impotenti  
Pondere, non penitus resurget.  
10 Quin ille pacis confocius meae,  
Et cui solebam plurima credere,  
Mense & sodalis non remotus,  
Nunc pede me quatit insolenti.  
11 At tu misertus me statuas precor  
IAS, vt illis pro meritis feram.  
12 Te me probasse hinc discō, de me  
Quod minimè hostis atrox triumphas.  
13 Dumque ipse simplex integer atque ago,  
Tu me tueris, tu incolumem facis,  
Tu me perennem das ministrum,  
Ante tuos statuisque vultus.  
14 I A E, gubernat qui bonus Israël,  
Sæclum per omne huic plaudite, plaudite.  
Illi sit ac splendor decusque  
Perpetuos proprium per annos.

P S A L M